

SCHOOL ACCOLADES  
CLASS : STANDARD 3  
SUBJECT : BANGLA  
WORKSHEET OF 2<sup>ND</sup> TERM  
WEEK 3 ( 16 June to 21 June 2021)

“আমাদের গ্রাম “ পৃ : ৫৯-৬১ ( বইয়ের কাজ )

শব্দার্থ :

সেথা – সেখানে ।

পাঠশালা - বিদ্যালয় ।

কিরণ - আলো ।

আল্লীয় : আপনজন ।

হেন- এরকম ।

নিচের প্রশ্নগুলোর উত্তর দাও।

ক) গ্রামের ঘরগুলো দেখতে কেমন? সেখানে সবাই কিভাবে থাকে?

উত্তর :- 'আমাদের গ্রাম কবিতায় কবি বন্দে আলী মিশ্রা যে গ্রামের কথা বলেছেন, সে গ্রামের ঘরগুলো দেখতে ছোট ছোট। সেখানে সবাই মিলেমিশে থাকে।

খ) কবি কাকে মায়ের সমান বলেছেন এবং কেন?

উত্তর:- আমাদের গ্রামে আপন পরের কোন ভেদাভেদ নেই। এখানে সবাই সবার আপনজন। সে কারণে সবাই মিলেমিশে থাকে। আর এই গ্রাম সবাইকে আলো, বাতাস দিয়ে মায়া-মমতায় ভরিয়ে দেয়। এজন্যই গ্রামকে মায়ের সমান বলা হয়েছে।

গ) ছেলেমেয়েরা একসাথে কোথায় যায়?

উত্তর:- আমাদের গ্রাম কবিতায় সবাই আপনজন। বিশেষ করে পাড়ার সকল ছেলেমেয়েরা ভাই ভাই। এখানে সবাই এক সাথে খেলে আর পাঠশালায় যায়। এই গ্রামে সবাই মিলেমিশে থাকে।

ঘ) সকালে গ্রামে কি কি ঘটে?

উত্তর:- আমাদের গ্রামে সকালে সোনালি রঙের সূর্য পূর্বদিকে উঠে। গ্রামে গাছগুলোতে বাতাস বইতে থাকে। নানা রঙের ফুল ফোটে। আর তা দেখে পাখিরা মিষ্টি মধুর সুরে ডাকাডাকি করে।

রচনা : আমাদের গ্রাম

সূচনা: আমাদের গ্রামের নাম.....। আমাদের গ্রামের প্রাকৃতিক দৃশ্য অনেক সুন্দর। এ গ্রামের ভিতরে দিয়ে ছায়াঘেরা আঁকাবাঁকা মেঠো পথ বহুদূর চলে গিয়েছে।

তাই কবি বলেছেন,

"আমাদের ছোট গাঁয়ে ছোট ছোট ঘর  
থাকি সেথা সবে মিলে নাহি কেহ পর।

অবস্থান : আমাদের গ্রামটি .....জেলায় অবস্থিত। গ্রামের একপাশ দিয়ে বয়ে গেছে ..... নদী ।

বিবরণ : আমাদের গ্রামে প্রায় নয় হাজার লোকের বসবাস। আমাদের গ্রাম একটি আদর্শ গ্রাম। এই গ্রামে চারটি প্রাথমিক বিদ্যালয়, দুটি মাধ্যমিক বিদ্যালয়, একটি কলেজ ও একটি মাদ্রাসা আছে। তবে এ গ্রামের অধিকাংশ মানুষ কৃষিজীবী হলেও এখানে শিক্ষিতের হার শতকরা ৯০ ভাগ।

প্রাকৃতিক দৃশ্য : গ্রামের প্রাকৃতিক দৃশ্য খুবই মনোরম। গ্রামের সবুজ গাছপালা, নদীনালা ও ফসলের মাঠ দেখলে মন জুড়িয়ে যায়।

উপসংহার : আমাদের গ্রাম আমাদের কাছে মায়ের মতো। আমরা মিলেমিশে আমাদের গ্রামে বসবাস করি। তাই কবি বলেছেন,

"আমাদের ছোট গ্রাম মায়ের সমান  
আলো দিয়ে বায়ু দিয়ে বাঁচাইছে প্রাণ।

